



## Bed ijo Kobed ie

**Bed ijo kobed ie**, ej melelein ke juon jikin emoj am lo ke emman nan am bed im kottar ie ako kitileek ie jen joraan ako kautatata ko, im koj bed ie bwe kojab aikuj bed naboj ako driwoj bwe elon kautatata im joraan emoj an walok. Ne emoj rojan eok bwe kon Bed ijo kobed ie, kon ronjak im bed im kwon ijo kobed ie enwot ba bed ilo juon ruum. Bed ilo juon ruum in kiki im ejej ako ejelok wunto ie. Elon wun ko mwe renaj kajitok bwe kon bed im kottar ijo kobed ie im elon kilen makitkit ako kilen am naaj kapoojoj. Kwon kapooj ako kakwon ruum eo ak jikin eo kwoj bed ie ekkar nan ta eo joraan eo e walok, enwot jambol im kamelele kein tok lal.

### **Etke kwoj aikuj Bed im Kottar ijo Kobed ie:**

Ewor ekkol ke emaron wor rinana ro remaron bu armej, ako ewor baijin ko jidrilak im moj toorlok jen wa ko ak train ko. Joraan rot kein e komman bwe jen ekkol bwe e kautatata nan ejmour kein ad im jej aikuj bed wot loan moko mwod im jab bed naboj. Melele ko relap renaj itok jen rijerbal ro rej kenanek kojwoj kon imojenji ko, im komaron ron im lo melele kein ilo radio im tv ko im bareinwot ilo jelboon ko, text im email ko. Elukkun lap an aurok bwe kwon ronjak ta ko rijerbal ro rej ba im kwon pojak im jela ta kwoj aikuj kommane ne rej ba kwon Shelter-in-Place ako Bed ijo Kobed ie im kottar ilo juon jikin ettino jen joraan ko rej walok. Lale wot nuuj im melele ko ilo tv im radio, bwe ne elon bar naan im rejan jen rijerbal ro an imojenji, kojela ta kwoj aikuj kommane bwe kwon maron kojparok eok im ro jet. Ne re ba kwon mokaj im ko, ako ekairir im lo lok takto, emakit jen ijo kobed ie ien eo wot rej ba im jab bed kake.

---

### **Makitkit ko kwoj aikuj kommani ne kwoj aikuj Bed im Kottar ijo kobed ie**

- Kiil aolep wunto ko, kiil aolep kojem ko nan naboj, im kiil aolep ron ak ijo elon bellok nan naboj iloan mweo kobed ie (bar ainwot lok e mweo jen rinana eo mwe elon bu ibben ej itotak im bu).
- Ne emoj aer rejan eok elon ekkol ke emaron wor bokolok ko relap (ne ejab emoj aer rejan eok ke elon rinana ej itotak im bu), kwon kiil katin ko im dror lelok kabar in wunto ko.
- Kwuni ako kiil aolep ventilation ko ako ron in koto ko nan koto in okmenen, im koto in kamololo ako erkaan, im bar ainwot pojet in dren nan jaun jikin kijeek ako fireplace ko. Kiil im kwuni aolep ne ewor ekkol ke emaron wor kabokbok ko relap ako baijin mejatoto, ijelok in ne rej ba ewor rinana ej bu, ekwe kojab aikuj kiil im kwuni men kein ba kaki.
- Ne emman im komaron, kon ain aolep men ko aurok mwe remaron jiban eok ilo ien joraan ak kautatata.
- Kelet ruum ko robed ilon im ejej ako ejelok wunto ko ie ako ron in ventilation ko. Ej aikuj lap im emelo ruum in nan aolep. Ne edrik im ekobob nan aolep, bar pukot juon ak jet ruum nan kabwe aolep ne elon im koj aikuj. Kajeon bwe aolep renjab kobob iloan juon ruum. Kiil ventilation ko, wunto ko im kojem ko an ruum eo kwoj bed ie im ruum ko ro jet rej bed ie kon duct tape nan bobrae jen baijin ko remaron jelet eok im ro jet ne ewor ekkol ke emaron wor baijin mejatoto.
- Emman ne ewor am talboon ilo ruum eo kobed ie. Jab komman an boub talboon eo bwe kommaron aikuj i nan am tobod imojenji ako kur nan jiban ne ewor men eo ekautotata nan mour im ejmour eo am im an ro jet.
- Ronjak wot nuuj im melele ko jen radio im tv ko nan ne ko ron ke ejako kautatata ako joraan ko rar walok emoj aer jemlok, im komaron driwoj ako emakit jen ijo kobed ie.